



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1508. usque ad annum 1513

**Fleury, Claude**

**August. Vind. [u.a.], 1769**

**VD18 90118456**

§. 99. Legationes Cæsaris ad Papam, Regemque Catholicum.

---

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

quisque contulisset, ita tamen, ut Gal-  
liarum Rex rei tormentariæ impendia so-  
lus sustineret.

Sæcul. XVI.  
A. C. 1510.

## §. XCIX.

*Legationes Cæsaris ad Papam, Re-  
gemque Catholicum.*

Annuit hisce conditionibus Cæsar, mox-  
que suos Legatos ad summum Pon-  
tificem, Regemque Catholicum decrevit,  
qui ab Hispano juxta Cameracensis fœ-  
deris pacta suppetias, a Julio autem du-  
centa aureorum millia mutua peterent,  
quæ dare si renueret, nunciarent, Im-  
peratorem Vicentia Romam iturum, ibi-  
demque Imperialem coronam receptu-  
rum. Ferdinandus, cum Maximilianum  
minoris haberet, fastidiose hæc respondit:  
Exspiravit fœderis tempus, eo quod fœ-  
deratorum quilibet, quæ petebat, jam-  
jam recuperasset, si vero Cæsar partem  
suam, quam non minus, ac ceteri occu-  
pavit, tueri neglexit, id non alienæ, sed  
propriæ culpæ adscribat. Nihilominus ex  
sola benignitate pollicebatur Ferdinandus,  
quod ad augendum Cæsaris exercitum,  
quam primum Vicentiæ montes superaf-  
set, quadringentos Equites submittere ve-  
lit. Oblata acceptat Legatus, ampliora  
obtinere desperans. Magis propositi sui  
tenax erat Pontifex, qui nullo dato re-

**Sæcul. XVI**  
**A. C. 510**

sponso Maximiliani Legatum valere iussit, imo animo etiam constituit, cum Ludovico Rege in gratiam redire, dummodo ille jura, quæ in Genuam, & Neapolis Regnum habere contenderet, missa faceret, omnesque copias suas ex Italia revocaret, ac denique Alphonsum Ferrariæ Ducem, usquedum Comacium reliquisset, tueri cessaret. Verum cunctis hisce conditionibus rejectis, Ludovicus totus in eo erat, ut bellum pararet.

§. C.

*Vicentia a Germanis, & Gallis obsessa captaque.*

*Mocenico  
belli Camerac.  
lib. 3.*

Ergo uterque exercitus castra movet, atque Anhaltensis Comes, cui Cæsar nomine suo supremum exercitus imperium in Italia detulit, in Veronensi agro quingentos lancearios, peditesque mille contraxit, quibus accesserunt mille quingenti cataphracti, peditumque decem milia, Ductore Calvimontio Marefcallo: Dux quoque Ferrariensis ducentos miserat cataphractos, & quingentos levis armaturæ equites, additis duobus peditum millibus. Hæ copiæ, Pado flumine trajecto, nemine obsistente Peninsulam Rhodigianam occupant, inde Castelli-Padi Athesin superantes Montanianam Athesiam, aliasque Patavini tractus urbes in deditioem acci-